

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損已布施道士及飢寒者天下人民各

得其所

七念蠕動踐行一切衆生咸蒙成就

八念赦貫前生今世罪對立功補過

九念家門隆盛宗廟有人世生賢才

十念專受師經不敢中怠平等一心廣度一

切克獲上仙白日登天拜見太上永成真人

雲車羽駕和與道合具

存神復爐

香官使者左右龍虎君侍香諸靈官當令臣

清且陞壇行道之所自然生金液丹碧芝英

百靈東真交會在此香火爐前令臣學道得

道求仙得仙齋主受福幽顯沾恩十方仙童

玉女侍衛蘭烟傳臣向來所啓之誠速達徑

御

太上无極大道至真玉皇上帝御前

出堂頌

靈寶領教濟度金書卷之一百六十一

正一天師清微弟子 洪百堅 製作

道教學術資訊網站

靈寶領教濟度金書卷之一百六十二

洞微高士開光教苦真人審金具授

靈寶通玄弘教水南先生林靈真編

科儀立成品預修黃

第一日午朝儀

步虛 燒香頌

各禮師存念如法

衛靈

誦歌空洞 帝君存壇 五帝校錄 受符三官

備衛四門 束魔去姦 流鈴擲火 除穢焚殘

身佩金書 鍊液芝顏 玄虛素合 心動三關

騎龍跨鶴 控虬乘鸞 衆星守舍 千魔不干

道炁常存 萬仙委安 和與道合具

鳴法鼓二十四通

發爐

无上三天玄元始三炁太上道君召出巨等

身中三五功曹左右官使者侍香金書傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神息上關啓臣今奉為入

壽意以今午朝陞壇行道願得

玉清道炁靈寶妙炁下降流入臣等身中即使玄壇清淨內外成真天無氛穢地絕秋塵琳瑯振響十方肅清萬魔不干具誠上徹令臣所答之誠速達徑御

太上无極大道至真玉皇上帝

請稱法位

具位奉行身受度預修黃籙大齋法事小兆臣某與臨壇官眾等謹同誠上啓

太上无極大道虛无自然元始天尊太上道

君太上老君高上玉皇十方已得道大聖眾

至真諸君丈人三十二天帝君王虛上帝玉

帝大帝東華南極西靈北真玄都玉京金闕

七寶瓊臺紫微上宮靈寶至真明皇道君三

十六部尊經玄中大法師上相上宰上保上

傅太平下教二十四真人西城總真玉君太

乙真人東嶽上卿司命茅君定錄保命二真

人名山洞府得道神仙三界官屬一切真靈

臣聞三乘御運清微啓空洞之奇七部開光赤明散飛玄之妙玉宇淨空於碧落金書隱

顯於紫陽鑲玉翔龍煥天章而燁燁編金躍鳳彰靈彩於陸離道閉龍溪之先教演鶴鳴之後四萬劫而赤書下耀五千文而紫炁西流巍巍真聖之瓊藏翼翼仙靈之壁拱經天緯地旋陰轉陽舒化日於蒼生布慈雲於黃

混妙哉化育大矣生成今齋主某二炁陶形五靈孕質荷乾坤之覆載感儀璫之照臨以地水火風假合之身逐夢幻泡影須臾之景

百齡在弄孰操彼岸之舟三世循環曷整前途之駕洗心切切潔己皇皇期徹土於雨先

無索素於寒後仰惟東華之聖籙當昭北極影之神功九戒持身六宮護命披顯蓋珠之寶

冊且嚴芝玉之瓊圖植福生前流祥身後爰皈依於聖日期覆陰於玄雲月陞三成齋按預修之旨雲階九奏法遵受度之文帝昭昭

昭民情翼翼騰詞章於育靈露懇款於丹堯虎拜動渠蟻哀激越今有詞旨敢不上聞

宣詞

按如詞言情深激越臣等肅將鸞序肆觀龍

輝仰紫極之雲開瞻翠華之日近瑤光在上

煥霽色於九域圭影正中散陽輝於萬宇鳳聲聞瓊笙之韻鯨鏞揚玉籟之音翠華虬枝列旂旄而容與霓烟紫霧羅旌葆以翩翾青鸞鼓舞於雲端丹鶴徘徊於天際冀垂西顧俯鑒中洲化期洽於人天恩徧沾於家國

以今臨午行道請法眾等遵茲初檢上香願此香烟騰空徑上供養

无上至真道寶目等皈身皈神皈命首體投地仰依

太上三尊願以是功德上祝當今皇帝陛下伏願道契懷胥聖傳軒昊廓八圓

之土宇均覆堯仁極九軌之封疆悉沾舜德五福效華封之祝萬靈傳萬歲之呼位棘面槐華中朝之後君分符剖竹昭外閭之威勳

鳳曆天長龍圖地久今故燒香自皈依師尊大聖眾至真之德得道之後保天長存

和與道合具

以今臨午行道請法眾等遵茲二檢上香願此香烟騰空徑上供養

无上至真經寶目等皈身皈神皈命首體投

地仰依

太上三尊願以是功德皈流齋主某伏願道  
運冲夷仙標峻整輝開福地春風之步武常  
新瑞溢壺天秋月之精神不老霞映庭中之  
日月水澄門外之波濤簪敎連榮東山蕩芒  
蘭之秀詩書衍慶北平標梧竹之英世澤洋  
洋芳猷濟濟今故燒香自皈依  
師尊大聖眾至真之德得道之後升入無形  
和與道合真

以今臨午行道請法眾等運茲三捻上香  
願此香烟騰空徑上供養

无上至真師寶巨等皈身皈神皈命首體投  
地仰依

太上三尊願以是功德皈流齋主等三師四友  
五族六親伏願與道合真為善最樂玉顏耀  
景三田升降於雲泉金谷凝輝五炁循環於  
霞液世外之風雲慶會人間之歲月迴旋性  
地無塵策凌霄之駭軌心天有種騰駕景之  
芳踪班列虛玄名高宇宙今故燒香自皈依  
師尊大聖眾至真之德得道之後升入無形

和與道合真

禮方 儀方

命魔 步虛

三啓頌 三禮

重稱法位

具位巨甚謹重誠上啓

太上无極大道元始天尊太上道君太上老  
君无上玄老十方已得道大聖眾至真諸君  
丈人三十六部尊經玄中大法師天師君上  
相上宰四司五帝三界官屬一切真靈巨等  
草萊賤質蒲柳輕質際昌運之流行幸真乘  
之廣扇九光鳳牒天開微妙之符八會鸞書  
師授希夷之旨莫附林泉而高蹈乃甘朝市  
以卑栖帝德天涵校過幸寬於四極聖恩地  
闕立功宣贊於三靈庶證初盟庸酬終志今  
有齋主某東丹饗帝滄素承天培此日之慶  
基粹香激切植他時之福祉瞻燭勳渠尚慮  
心探畏途性淪憂景天精天粹揚地網之昏  
塵陽紈陽神鼓陰機之迷垢荆棘雨滋於靈  
府恭茅日塞於玄扃六賊雷轟五官雲擾虧

忠信而率仁義背廉耻而犯綱常愆書五帝

之曹過紀四司之錄未消惡障曷就善功保

天無終仰帝恩之廣大與民更始昭聖澤之

汪洋願頌楓綽於雲層更鼓芝綸之風澤玄

司煥耀名銷北府之刑編丹簡輝煌字紀南

宮之仙籍錫天上之五福掃人世之三災瓊

醴酣和真炁自朝於丹臉玉華凝景玄紫密

降於朱容邁椿算以道適宴龜齡而容與見

在既融於奉運未來益衍於玄基道真真扶

後三光而不老數周運盡歷萬劫以長存常

見太平永無衰謝允拜提携之造冀垂陶冶

之恩上願帝化熙平皇圖澄晏山靈薦祉川

后靜波未開同穎之祥麥吐兩岐之瑞物無

疵孺遂吠畝之歡聲家有詩書靜井間之和

氣仁敷動植澤被飛潛則上明

天尊大慈之化下副巨等皈命之誠謹啓以

聞

十二願

一願大道淡泊虛无安閑空寂澄清自居廣  
開法門教導頑夫皆蒙惠澤精苦自修預以

同學普得升虛與天相保長存無憂

二願諸天結炁澄清高虛廣覆保真固靈氣

候調節四運和平國安民豐普天閉寧廣濟

一切惠達有生保天長存億劫不傾

三願土地覆載無窮安平不陷海淪不崩保

鎮家國兆民具從養生安死惠周十方禾稼

滋植管運日豐咸得覆載萬類皆從

四願日月二景高明無有亭蝕虧益安清光

照諸天洞消暗冥保固劫運世祚和平普加

潤澤惠灑衆生

五願星辰與日齊光轉燭照耀朗映十方各

安其位經緯直行保鎮家國無有災傷四海

寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結炁聚烟飛空高澄陰覆玄玄隱

則無為散則彌天神仙同居結友來真惠流

一切興國愛民普濟羣生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方魏魏包藏長為仙官安

鎮國祚保天無終護度一切莫不仰宗

十願江海蕩蕩無極含容恢廓無細不植淵

與系惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚兆

庶稱慶長樂未央

十二願蝗飛蠶動已生未生成蒙安全普得

生成皆見元氣受陽之形草木果林經冬不

零一切濟度靡不鮮榮

復爐

香官使者左右龍虎君侍香諸靈官當令臣

午朝陞壇行道之所自然生金液丹碧芝英

百靈眾具交會在此香火爐前令臣學道得

道求仙得仙齋主受福幽顯沾恩十方仙童

玉女侍衛蘭烟傳臣向來所啓之誠速達徑

御

太上无極大道至真玉皇上帝

出堂頌

靈寶領教濟度金書卷之一百六十二

靈寶領教濟度金書卷之一百六十三

洞微高士開光教苦真人窮金具校

靈寶通玄弘敷水南先生林靈真編

科儀立成品

第一日晚朝儀

步虛 燒香頌

各禮師存念如法

衛靈

神光朗耀 瑞照匝旋 箕斗澄輝 芒宇晏然

玉眸金真 寶壇純乾 變夜作晝 回子午前

太華流絲 丹鳳飛圓 息慮滅姦 高步祥烟

天真並集 齊到帝前 與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝開啓玄壇天帝神君當召此間

土地里域真官正神急上聞啓臣今奉為入

齋意以今落景陞壇行道願得